

Gastunan pa partisipá

Pa partisipá na e trayekto di training i workshop Kámara di Komersio ta pidi un kontribushon di 180 USD .

Kondishon di pago

Mínimo un 50 porshento di e montante mester wòrdu paga na momento di inskripshon i e otro 50 porshento promé ku e trayekto kaba.

Inskripshon

Pa inskripshon por pasa na ofisina di Kámara di Komersio serka nos konseheronan.
Riba djamars entre 8:00 pa 11:30 or
Óf ku sita previo riba:
djarason entre 13:00 pa 16:30 or
djaweps enter 8:00 pa 11:30 or

Trayekto di Coaching

E trayekto di coaching ta konsistí di traha un plan di akshon na midí. E plan di akshon lo wòrdu trahá despues di aprobashon di banko.

E trayekto di coaching ta ser apliká den e promé 2 añanan i ta fungi komo sosten pa e empresario ku e meta pa e empresario tin un start sólido. Un coach eksperenshá ta wòrdu apuntá segun e empresario su nesesidat. E trayekto aki tambe tin komo meta pa yuda e empresario asina ku na final e mes por manehá su kompania ku éksito.

E intensidat di guia ta dependé di e eksperensha, motivashon i metanan di e empresario. Ademas e consehero huntu ku e empresario lo hasi un evaluashon finansiero kada 3 luna pa asina determiná si e metanan stipulá a wòrdu lográ



Kaya Grandi 67

Tel. (+599) 717 5595/717 5695

Wèpsait: www.bonairechamber.com

E - Mail: businessinfo@kvkbonaire.com

Starterstrajekt

Bo tin un idea pa un negoshi, ma bo no sa kon pa kuminsá?



En koperashon ku



Ministerie van Economische Zaken

Den e foyeto aki bo ta haña mas informashon.

Aanleiding en Doel

Kámara di Komersio, Ministerio di Asuntunan Ekonómiko i algun banko lokal a sera un akuerdo pa asina stimulá hasimentu di negoshi na Boneiru dor di mehorá e aksesio na krédito pa komersiantenan. Den e kolaborashon aki bankonan lokal lo pone e (fiansa) krédito ku nan duna na e komersiante bou di e dak di e areglo di Krédito Mikro.

Krédito Mikro ta disponibel pa empresarionan (nobo) ku no ta den disposishon di sufisiente rekursio òf no por disponé di garantia pa krédito regular na banko. Ku Krédito Mikro gobièrnu ta para 67% di garantia si bo sera un fianza na banko. Esaki lo mester stimulá banko pa perkurá fianza mas lihé dor ku nan riesgo ta redusí.

E proyekto aki ta konsistí di un trayekto promé ku e start di bo negoshi i un trayekto pa despues di start di bo negoshi. Kámara di Komersio lo dirigí l guia e proyekto aki. Komersiantenan ku ke bin na remarke por akudí na Kámara di Komersio.

Participerende Banken

Bankonan ku ta partisipá na e proyekto ta:

- Maduro en Curiels Bank Bonaire
- Girobank
- RBC Royal Bank Bonaire
- Banco di Caribe

Interes riba fianza pa kada banko ta diferente. Bankonan ta liber pa determiná e altura di e interes ku nan ta bai apliká. E interes ta wòrdu determiná a base di kon grandi e fianza lo ta l den kuantu aña lo paga bèk.

Grupo di Enfoke

Empresarionan prinsipiante i empresarionan eksistente por akudí dirèkt òf via di banko na Kámara di Komersio. E trayekto pa empresario prinsipiante ta pa partisipantenan serio, motivá i ku ta dispuesto pa inbertí tempu den nan kompania.

E trayekto lo kuminsá despues ku ámbos partido a firma un akuerdo. Kondishonnan ta:

- E (futuro) komersiante ta konsiderá pa start un kompania na Boneiru;
- E (futuro) komersiante mes no tin fondonan sufisiente;
- E komersiante ta biba permanente riba e isla di Boneiru;
- E kompania tin derechi di eksistí òf tin potensial.

Kompania Eksistente

Banda di komersiantenan prinsipiante, komersiantenan eksistente tambe ta kai bou di e grupo di enfoque di e proyekto Krédito Mikro. Serka komersiantenan eksistente ku eksperensha den hasimentu di negoshi por hasi uso di solamente e parti di guia.

Kompanianan eksistente (mas ku 5 aña) ku ke hasi uso di e areglo di BMKB por akudí na Kámara di Komersio pa registrá l risibí guia pa skirbi un plan di negoshi. Den e kaso aki no ta obligatorio pa partisipá den e trayekto di treinen paso despues di 5 aña nan a proba ku nan tin derechi di eksistencia kaba. E trayekto di treinen ta keda un posibilidat si pa e komersiante. E trayekto mensioná por sirbi komo un seguridat èkstra pa un banko i por ta un influensha pa logra e fianza. Huntu ku bankonan lo bai palabrá ki peso ta bai duna na e trayekto.

Start i Durashon

Trayekto di Treinen

E trayekto ta tuma lugá 3 biaha pa aña ku un grupo di mínimo 10 i máksimo 20 partisipante pa biaha. Esaki lo sosodé den Febrüari, Yüni i Òktober.

E trayekto ta konsistí di un anochi di introdukshon i shete (7) workshop. E temanan ku lo trata durante e diferente workshopnan ta:

1. Negoshi i Legislatshon
2. Abilidatnan empresarial
3. Plan di negoshi
4. Plan di negoshi i Merkadeo
5. Plan di negoshi i Finansa
6. Negoshi i Impuesto
7. Negoshi i Atministrashon

Meta di e workshopnan ta pa siña e empresario prinsipiante abilidatnan básiko i duna nan e konosementu nesario pa manehá un negoshi.

E trayekto ta dura 4 pa 5 siman i e meta ta pa entre 4 pa máksimo 12 siman e partisipante a skirbi e plan di negoshi, pa asina por presente na banko. Personanan ku haña e fianza na banko lo drenta e trayekto di coaching.

